



Anthon Frederiksen
Inatsisartunut ilaasortaq

mailikkut nassiunneqarpoq

§37 naapertorlugu apeqput nr. 052 - 2016 Uumasunut nerukkaatissat aamma Neqimit perlukut

29-02-2016
Sags nr. 2016 - 3097

Uumasunut nerukkaatissanik eqqusuinermut aamma Neqimit perlukunut tunngatillugu Inatsisartut suleriaasianni § 37 imm. 1 naapertorlugu Naalakkersuisunut apeqquteqarputit. Apeqqutit suliaasaqarfinni akissuteqarfigineqartussatut innersuunneqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Naalakkersuisunut apeqput:

1. **Qimminut uumasuutinullu nerukkaatissat assigiinngitsut qanoq amerlatigisut nunani allaniit ukiumut tikisinneqartarpat?**

Akissut:

Immikkoortut pingaernerit marluk nunani allaniit tikisinneqartarput; nerukkaatissat aamma inuusutissanut suliffissuarnit perlukut igitassallu; uumasunut nerukkaatissatut atugassat. Qimminut aamma uumasuutinut nerukkaatissanut qanoq annertutigisut tutsinneqartarnersut aammalu uumasuteqarnermut atatillugu nerukkaatissat qanoq annertutigisut atorineqartarnersut naatsorsueqqissaarnerni atuarneqarsinnaanngilaq.

2. **Taakku kr-inngorlugit qanoq naleqarpat?**

Akissut:

Apeqqutigineqartumi kalaallisut qallunaatullu oqaasertai imminnut naapertuutinnimmata, apeqqutigineqartut marluk tamaasa akissuteqarfiginiarneqarput. Nunanit allaniit tikisinneqartartut annertussusaat ukiumiit ukiumut nikerarpoq. Ataatungaani takuneqarsinnaavoq Naatsorsueqqissaartarfimmit paasissutissat nalunaarsukkat pissarsiarineqarsinnaasut nutaajunerpaat atorlugit piffissami ukiunik tallimanik sivissussulimmi nunani allaniit tikisinneqartartut annertuussusaat.

Ukioq	2009	2010	2011	2012	2013
Nerukkaatissat nunani allaniit tikisinnegartut kr.-nngorlugit	10.653.741	8.525.287	10.992.671	12.472.279	9.747.721

Ukioq	2010	2011	2012	2013	2014
Inuussutissanut suliffissuarnit perlukut aamma igitassat; uumasunut nerukkaatissatut atugassat kg.-nngorlugit	1.199.385	1.300.179	1.388.221	624.462	1.087.263
Inuussutissanut suliffissuarnit perlukut aamma igitassat; uumasunut nerukkaatissatut atugassat kr.-nngorlugit	8.163.714	10.474.956	11.485.836	8.766.183	10.541.171

Oqaatigineqareersutut nunanit allaniit tikisinnegartunut naatsorsueqqissaarnerni, uumasuutitut kiisalu qimminut nerukkaatissat immikkoortinnissaat ajornarpoq. Ilimagineqartariaqarpoq nerukkaatissat nunani allaniit tikisinnegartut annertunerpaartaat nunalerinermi atorineqartartut.

3. Neqi A/S-imiit ukiumut nersutit perlukui qanoq annertutigisut ukiumut iginneqartarpat?

Akissut:

Neqi A/S paasissutissiivoq, 2015-imi toqoraaneq aallarnerfigalugu savaqqanik toqoraanerup nalaani toqoraanermi perlukut assanneqartarneri ataatsimut isigalugu unitsissimallugu.

Neqi paasissutissiivoq igitassat 40 tons immikkoortiterneqartartut, salinneqarlutik aammalu ataatsimoortukkaannngorlugit qeritinneqartarlutik. Taakkua pingaartumik qimminut qimuttunut nerukkaatissatut annikinnerusunngorlugit aggorneqartarput. Neqip naatsorsuutigaa ukioq manna qimminut nerukkaatissatut atorineqarsinnaasut suulluunniit tamaasa qeritissallugit, taakkualu katillugit 50 tonsiussasut naatsorsuutigineqarpoq.

Maannakkorpiaq suliffeqarfiup, nunatsinni maani tuniniaanerup aallartinnissaanut, Danmarkimi inuussutissanut aqutsisoqarfimmit akuersissut utaqqivaa.

Uumasunut nerukkaatissanut tunisassianik tuniniaasarneq pillugu inatsit akisussaaffigilerlugu tiguneqarsimangilaq, taamaalillunilu Inuussutissanut aqutsisoqarfik (Fødevarestyrelsen) oqartussaasuvoq eqqortoq.

Qimminut nerukkaatissat Avannaani tunineqarnissai Neqip naatsorsuutigaa. Neqi paasissutissiivoq tamatumunnga taarsiullugu qimminut nerukkaatissat, EU-mut avammut tuniniarneqarsinnaassasut naatsorsuutigineqartoq, tassami tamatumunnga akuersissuteqareeramik.

Nersutinik toqoraanermi perlukut nerukkaatissanut atorqeersinnaanngitsut, ikuallaasarfimmi ikuallanneqartarput.

4. Pisiffimmiit aamma Pilersuisumiit neqit nerisassallu nioqqutigineqarsinnaaneritut ullusaaqanik qaangiisut qanoq amerlatigisut/annertutigisut ukiumut iginneqartarpa?

Akissuteqaat:

Apeqqut akissuteqarfigineqarsinnaangilaq, pissutigalugu Naalakkersuisut apeqquteqaatip akissuteqarfiginissaanut paasissutissanik pisariaqartunik pissarsinissamut periarfissaqanngimmata.

Pisiffik ingerlatseqatigiiffiivoq namminersortoq aammalu atorsinnaanngitsunut igittagaasa procentiinik paasissutissiinissamik pisussaaffilerneqarsinnaanani.

Pilersuisup, KNI A/S-imut Namminersorlutik Oqartussanit pigineqartumut ilaasup, taamatuttaaq atorsinnaanngitsutut igittakkat procentinngornerinik paasissutissiinissaq unammilleqatigiinneq eqqarsaatigalugu orniginngilaa.

Inussiarnersumik inuulluagqusiilunga

Vittus Qujaukitsoq